

# 自衛新知卷六

險要第六

據險

生

設險

384

# 自衛新知卷六

## 險要

惠釐酒民

編次

三素居士

重訂

易曰王公設險以守其國。所謂守者。非特守於城也。必按境內山川形勝。何處可扼衆令重兵屯守。何處可分據令偏師犄角。何處可伏兵挫其先鋒。何處可游兵絕其糧道。以戰爲守則守固。不可遽閉隅自投絕路也。輯險要。

據險可以爲法

王平議據興勢

曹爽發卒十餘萬人。自駱口入漢中。漢中守兵不滿三萬。諸將皆恐。欲守城不出。以待涪兵。王平曰。漢中去涪垂千里。賊若得關便爲深禍。今宜先遣劉護軍據興勢。平爲後拒。若賊分向黃。金平帥千人下自臨之。比爾間。涪軍亦至。此計之上也。諸將皆疑。惟護軍劉敏。與平意同。遂帥所領據興勢。多張旗幟。彌亘百餘里。爽兵距興勢。不得進。關中及氐羌。轉輸不能俱。牛馬騾驢多死。民夸號泣道路。涪軍及費禕繼至。太傅懿與夏侯元書曰。昔武皇帝再入漢中。幾至大敗。君所知也。今興勢至險。蜀已先據。若進不獲戰。退見邀絕。覆軍必矣。將何以任其責。元懼言於爽。引軍還。費禕進據三嶺以截爽。爽爭險苦戰。僅乃得過。死亡甚衆。關中爲之虛耗。

## 張仁愿築三受降城

張仁愿爲朔方總管。朔方軍與突厥。以河爲界。北厓有拂雲祠。突厥每犯邊。必先謁祠禱解。然後料兵度而南。時默覈悉兵西擊突騎施。仁愿請乘虛奪取漢南地。於河北築三受降城。絕虜南寇路。唐林環以爲兩漢以來。皆北守河。今築城虜腹中。終爲所有。仁愿固請。中宗從之。六旬而三城就。拂雲於中城。南直朔方。要城南真靈武。東城南直榆林。三壘相距。各四百餘里。其北皆大磧也。斥地三百里而遠。又於牛頭朝那山北。置烽燧千三百所。色是突厥不敢度山畋牧。減鎮兵數萬。

## 郭元振寘和戎城白亭軍

唐郭元振爲涼州都督。初州境輪廣。纔四百里。虜來必蓄

城下。元振始於南硤口。寘和戎城。北磧寘白亭軍。制東要路。遂拓墻千五百里。自是州無虜憂。

种世衡城故寬州

宋种世衡爲鄜州從事。夏戎犯延安。世衡以延安東北二百里。有故寬州。請因廢壘而城之。以常寇衝。左可致河東之粟。右可固安延之勢。北可圖延綏甯夏之舊。有是三利。朝廷從之。

劉子羽保四川

張浚敗於富平。退保興州。人情大震。官屬有建策徙治夔州者。劉子羽叱之曰。孺子可斬也。四川全盛。敵欲入寇久矣。直以川口有鐵山棧道之險。未敢遽窺爾。今不堅守。縱使深入。而吾僻號夔峽。遂與關中聲援不相聞。進退

失計。悔將何及。今幸敵方肆掠。未逼近郡。宣司當留駐輿州。外繫關中之望。內安全蜀之心。急遣官屬出關。呼召諸將。收集散亡。分布險隘。堅壁固壘。觀釁而動。庶幾可補前愆。奈何復爲此言乎。淩然子羽言。子羽卽單騎至秦州。召諸亡將。時諸亡將不知宣司所在。及聞命大喜。悉以其衆來會。凡十餘萬人。軍勢復振。子羽命吳玠聚兵扼險於鳳翔大散關東之和尚原。以斷敵來路。關師古等聚熙河兵於岷州大潭。孫。賈世方等聚溼原鳳翔兵於階成鳳三州。以固蜀口。金人知有備。引去。

### 吳玠保和尚原

張浚合五路兵。與金戰於富平。軍遂大潰。五路皆陷。巴蜀大震。玠收散卒。與弟璘保散關東和尚原。積粟繕兵。

列棚爲死守計。或謂玠宜退屯漢中。阨蜀口。以安人心。玠曰。我保此。敵決不敢越我而進。是所以保蜀也。金將烏魯折合來攻。玠命諸將堅陣待之。更戰迭休。山谷路狹多石。馬不能行。金人舍馬步戰。遂大敗遁去。

楊存中不割和尚原

金人再入關。議割蜀之和尙以卑之。楊存中入對曰。和尚原。隴右之藩要也。敵得則可以睥睨漢中。我得之則可以下兵秦雍。曩議予金人。吳璘力爭不從。今璘在遠不及知。臣若不言。非特負陛下。亦有愧於璘。近者王師盡銳而後得。願毋弃。

鈎魚山

余玠帥蜀。築招賢館。播州冉氏兄弟璡璞。有文武才。詣



府上謁。玠賓館之。奉甚厚。居數月。兄弟終日不言。惟對踞以堊畫地爲山川城池之形。旬日。請見。屏人曰。某兄弟辱明公禮遇。有以少補。非敢同衆人也。爲今日西蜀計。其在徒合州城乎。玠不覺躍起。執其手曰。此玠志也。但未得其所爾。對曰。蜀口地形之勢。莫若釣魚山。請徙諸此。若任得其人。積粟以守之。賢於十萬師遠矣。玠大喜。築十餘城。皆因山爲壘。棋布星屯。列兵聚糧。於是如臂使指。氣勢聯絡。蜀始可守。

### 設險 可以爲法

#### 順安軍

宋太宗時。以陳恕爲河北東路招真營田使。大興河北營田。

。先是雄州東際於海。多積水。戎人患之。不敢由此路入寇。順安軍至北平二百里。地平廣無隔阂。每歲胡騎多由此而入。議者謂宜度地形高下。因水陸之便。建阡陌。浚溝洫。益樹五穀。所以實邊廩而限戎馬。故遣恕往營之。

### 滄州

滄州北舊多設陷馬坑城下起樓爲斥堠。望十里。允則曰。南北旣講和矣。安用此爲。命撤樓夷坑。爲諸軍蔬園。濬井疏洫。列畦隴。築短垣。縱橫其中。植以荆棘。而其地益阻隘。因治坊巷。徒浮圖北原上。州民旦夕登。望三十里。下令安撫司。所治境有隙地。悉種榆。久之榆滿塞下。顧謂僚佐曰。此步兵之地。不利騎戰。豈獨資屋材邪。

### 馬燧引晉兵決汾

唐馬燧鎮太原。以晉陽王業所起。度都城東西。平易受敵。時邊數有警。乃引晉水注城東。瀦爲池。寇至。計省守陣者萬人。又決汾水。環城多爲池沼。植樹固堤。

孟琪障沮漳之水

宋孟琪鎮江陵。初至。登城周覽。嘆曰。江陵所恃三海。不知沮洳有變爲桑田者。今自城以東。古嶺先峯。直至三洑。無所限隔。敵一鳴鞭。卽至城外。乃修復內隘十一處。別作十隘於外。有距城數十里者。沮漳之水。舊自城西入江。因障而東之。俾遠城北入於漢。而三海遂通爲一。隨其高下。爲匱蓄泄。三百里間。渺然巨浸。

孟宗政瀦水

宋孟宗政知棗陽。以金人迫濠而陣。易於馳騁。乃於西北

濠外。潛水爲濶以限騎。

### 余闕三塹

元余闕守安慶。抵官十日而寇至。乃浚隍增陴。隍外環以深塹三重。南引江水注之。時羣盜環布四外。闕居其中。左提右挈。屹爲江淮一保障。

### 魏勝築城環孤山


魏勝知濟州。城西南枕孤山。敵至登山。俯瞰城中虛實。受敵最劇。勝築重城環山於內。寇不能害。


### 李庭芝築城包平山堂

李庭芝兼知揚州。始平山堂瞰揚城。敵至則構望蔭其上。張弓弩以射城中。庭芝大築城包之。

酒民曰。城外山險。賊至卽以兵堅守。免爲賊先據。下


窺城中虛實。魏李二公環包於內更妙。圖附後





城內據山。作壇城高臺。設大砲守之。賊卽入城。可保小  
城或登臺遠擊。





## 失險可以爲戒

## 成安君不守井陘之險

漢韓信張耳以兵擊趙。李左車說成安君曰。漢將韓信。乘勝而去國遠鬪。其鋒不可當。今井陘之道。車不得方軌。不得成列。行數百里。其勢糧食必在其後。願足下假騎臣奇兵三萬人。從間路絕其輜重。足下深溝高壘。勿與戰。彼前不得鬥。退不得還。吾奇兵絕其後。野無所掠。不至十日。兩將之頭。可至麾下。願君留意臣之計。否則爲二子所擒矣。成安君不聽。信使間密視。知其不用。乃敢引兵遂下。大破虜趙軍。斬成安君低水上。

諸葛膽不守東馬之險

蜀諸葛瞻督諸軍拒鄧艾。至涪。停住不進。黃崇屢勸瞻宜速行據險。勿令敵得入平地。瞻猶豫未納。崇再三言之。至於流涕。瞻不能從。鄧艾遂長驅而前。破瞻斬之。成都  
不守。

慕容超不守大峴之險

南燕主慕容超。大掠淮北。劉裕抗表伐之。超引羣臣會議。公孫五樓曰。吳兵輕來。利在速戰。不可爭鋒。宜據大峴。使不得入。曠日延時。阻其銳氣。然後徐簡精騎。循海而南。絕其縴道。別勅段暉帥兗州之衆。緣山東下。腹背擊之。此上策也。若縱賊入峴。出城逆戰。非勝算矣。超曰。今歲星居齊。以天道推之。不戰自克。不如縱使入峴。以精騎蹂之。桂林王鎮曰。陛下必以騎兵利平地者。

宜出城逆戰。戰而不勝。猶可退守。不宜縱敵入峴。自貽窘迫。昔成安不守井陘之險。終屈於韓信。諸葛瞻不據東馬之險。卒擒於鄧艾。臣以爲天時不如地利。阻守大峴策之上也。超不聽。裕過大峴。燕兵不出。裕舉手指天。喜形於色。遂平廣固。送超詣建康斬之。而南燕滅。

梁主不守采石之險

侯景詐稱出獵。攻歷陽。太守莊鐵以城降。因說景曰。國家承平歲久。人不習戰。聞大王舉兵。內外震駭。宜乘此際速據建康。可兵不血刃而成大功。若使朝廷徐得爲備。遣贏兵千人。直據采石。雖有精甲百萬不得濟矣。景以鐵爲道。引兵臨江。梁王問策於尙書羊侃。羊侃請以二千人急據采石。令邵陵王襲取壽陽。使景進不得前。退失巢穴。

。烏合之衆。自然瓦解。朱異曰。景必無渡江之志。遂寢其議。景聞之喜曰。否寧辦矣。乃濟江。建康大駭。景軍乘勝至關下。

### 宋不守關之險

粘沒喝分兵趨汴京。平陽府叛卒。導金兵入南北關。粘沒喝嘆曰。關險如此。而使我過之。南朝無人矣。進屯澤州。

### 宋不守河之險

金幹濟不陷相濬二州。時梁方平帥禁旅屯於河北岸。金將迪古補奄至。方平奔潰。河南守橋者望見金兵旗幟。燒橋而遁。官軍在河南者。無一人禦敵。金人遂取小舟以濟。凡五日騎兵方絕。步兵猶未渡也。旋度旋行。無復隊伍。

金人笑曰。南朝可謂無人。若以二千人守河。我豈得渡哉。遂陷滑州。

宋不守獨松關

兀朮自廣德過獨松關。見無戍者。謂其下曰。南朝若以羸兵數百守此。吾豈能遽度哉。遂犯臨安。

周德威不守渝關之險

初幽州北七百里渝關。下有渝水通海。自關東北循海有道。道狹處。纔數尺。旁皆亂山。高峻不可越。北至進牛口。舊實八防禦軍。募士兵守之。田租皆供軍食。不入於薊。幽州歲致繒纊。以供戰士衣。每歲早穫。清野堅壁。以待契丹。契丹至。輒閉壁不戰。俟其去。選驍勇據隘邀之。契丹常失利走。士兵皆自爲田園力戰。有功則賜勳加賞。

。由是契丹不敢輕入寇。及周德威爲盧龍節度使。恃勇不修邊備。遂失渝關之險。契丹每芻牧於營平之間。

